

朱子論語集注訓詁考

敘

朱子論語訓蒙口義敘云本之注疏以通其訓詁語類云某尋常解經只要依訓詁說字又與呂伯恭書云不讀說文訓詁易謬荅黃直卿書云近日看得後生且是教他依本子認得訓詁文義分明爲急朱子解經教人厥初如此世儒謂朱子不明訓詁謬加詆詞與夫空疏淺率之流空談性理未知爲學之倫類皆失之也竊謂朱子生平著書致多而論語集注尤爲精粹因命詁經精舍諸生尋繹此書詳攷義所從出徧采舊注及羣經子史注以箸來歷明非朱子所

自造課卷甚繁細加纂采撮爲二卷取其易曉義或
簡奧則援某生說以申明之研經之士由是以攷制
度辨名物窺先聖之微言窮義理之所歸余固日夕
望之也光緒十有六年十二月南海潘衍桐敘於浙
江學署之敬樂齋

朱子論語集注訓詁攷卷上

南海潘衍桐輯

學而第一

學之爲言效也

學而章

尙書大傳周傳洛誥篇學效也廣雅釋詁學效也而覺有先後

孟子離婁篇使先覺覺後覺也

習鳥數飛也

說文習部習數飛也禮月令鷹乃學習

說喜意也

廣雅釋詁悅喜也

習重習也

易坎卦象曰水洊至習坎陸績注習重也

周易集解

坐如尸坐時習也立如齊立時習也

禮曲禮若夫坐如尸立如齊鄭注坐如尸視貌正

立如齊磬且聽也

朋同類也

易兌卦象曰君子以朋友講習虞翻注兌二陽同

類爲朋

周易集解

後漢書李固杜喬傳贊朋心合力章

懷注朋猶同也廣雅釋詁朋類也

慍含怒意

何晏注慍怒也

集解

禮檀弓舞斯慍鄭注慍猶怒也

說文心部慍怒也書無逸不啻不敢含怒

君子成德之名

易乾文言君子以成德爲行日可見之行也禮哀公問君子也者人之成名也楊子法言學行篇學者所以求爲君子者也

善事父母爲孝善事兄長爲弟

有子章

爾雅釋訓善父母爲孝善兄弟爲友皇侃論語義疏善事父母曰孝善事兄曰悌

謂干犯在上之人

左氏文公四年傳其敢干大禮以自取戾乎杜注
干犯也禮文王世子不以犯有司鄭注犯猶干也
鮮少也

何注鮮少也

集解

本猶根也

周禮醴人昌本鄭注昌蒲根後漢書伏侯宋傳合
論章懷注根猶本也

仁者愛之理心之德也

周語仁文之愛也孟子告子篇仁人心也

爲仁猶曰行仁

禮檀弓不仁而不可爲也鄭注爲猶行也

與者疑辭

衛靈公篇非與皇疏與不定之辭

巧好令善也好其言善其色

巧言章

包咸注巧言好其言語令色善其顏色

集爾雅釋

詁令善也

盡己之謂忠

三省章

里仁篇忠恕而已矣憲問篇忠焉能勿誨乎皇疏
並云忠謂盡中心也

以實之爲信

說文言部信誠也誠信也爾雅釋詁誠信也廣雅
釋詁誠實也信誠實三字互訓

傳謂受之於師

皇疏引袁氏曰常恐傳先師之言不能習也

道治也

千乘章

包注道治也

集解

千乘諸侯之國

皇疏千乘大國天子萬乘諸侯千乘

敬者主一無適之謂

文子道德篇一也者無適之道也萬物之本也下
德篇聖王執一以理萬物之情性夫一者至貴無
適于天下聖王託于無適故爲天下令

謹者行之有常也信者言之有實也

弟子章

易文言庸言之信庸行之謹

汎廣也

皇疏汎廣也

眾謂眾人

荀子修身篇庸眾而野楊注眾眾人也

親近也

廣雅釋詁親近也

以用也

詩谷風篇不我屑以鄭箋以用也說文曰部曰用也

文謂詩書六藝之文

鄭注文道藝也

釋文

致猶委也

賢賢章

鄒壽祺曰委致一義故人臣致摯于其君經傳謂

之委摯

重厚重

重威章

說文重部重厚也

威威嚴

毛詩六月篇有嚴有翼傳嚴威嚴

固堅固也

毛詩天保篇亦孔之固傳固堅也史記禮書疆固之本也正義固堅固也

無毋通禁止辭也

禮檀弓曰噫毋鄭注毋禁止之辭○樓蔚然曰史記宋世家引書洪範毋字凡十五見今書俱作無勿亦禁止之辭

王正春日語類卷四十一云非禮勿視說文謂勿字似旗腳此旗一麾三軍盡退工夫只在勿字上纔見非禮來則以勿字禁止之○樓蔚然曰小爾雅廣詁勿無也此承上訓故曰亦

憚畏難也

鄭注憚難也

集解

詩雲漢篇我心憚暑鄭箋憚猶畏

也說文心部憚忌難也

慎終者喪盡其禮追遠者祭盡其誠民德歸厚謂下民化之其德亦歸於厚

慎終章

孔安國注慎終者喪盡其哀也追遠者祭盡其敬

也人君能行此二者民化其德而皆歸於厚也

集解

抑反語辭

皇疏抑語助也禮中庸抑而強與鄭注抑辭也

溫和厚也

淮南子時則訓純溫以淪高注溫也和也漢書張敞傳居皆溫厚

良易直也

禮樂記易直子諒之心

亦見祭義

荀子非十二子篇其

容良楊注良謂樂易也

恭莊敬也

爲政篇臨之以莊則敬爾雅釋詁恭敬也

儉節制也

周語季文子孟獻子皆儉韋注儉居處節儉也

讓謙遜也

禮儒行其尊讓有如此者正義讓謂卑謙

其諸語辭也

公羊桓公六年傳其諸以病桓與何休注其諸辭也

父在子不得自專

父在章

孔注父在子不得自專故觀其志而已

集解鄭注孝

子父在無所自專

太平御覽人
事部孝類

禮者天理之節文人事之儀則也

禮之用章

孟子離婁篇仁之實事親是也義之實從兄是也
禮之實節文斯二者是也禮坊記禮者因人之情
而爲之節文以爲民坊者也仲尼燕居篇禮也者
理也中庸仁者仁也親親爲大義者宜也尊賢爲
大親親之殺尊賢之等禮所生也周書武順解人
道曰禮管子心術篇禮者因人之情緣義之理而
爲之節文

所以流蕩忘反

文選皇甫謐三都賦序流宕忘反非一時也

信約信也

信近章

禮曲禮約信曰誓

義者事之宜也

禮祭義義者宜此者也中庸義者宜也揚子法言重黎篇問義曰事得其宜之謂義說文言部證人所宜也

復踐言也

禮曲禮修身踐言謂之善行

恭致敬也

爾雅釋詁恭敬也上賢賢章皇疏致極也

因猶依也

呂氏春秋盡數篇因智而明之高注因依也○因
依雙聲

宗猶主也

左氏昭公二年傳禮之宗也杜注宗猶主也
言約信而合其宜

左氏宣公十五年傳信載義而行之爲利

志有在而不暇反也

食無求飽章

鄭注學者之志有所不暇也

集解

敏於事者勉其所不足慎於言者不敢盡其所有餘也

禮中庸庸德之行庸行之謹有所不足不敢不勉有餘不敢盡

諂卑屈也貧而無諂章

禮玉藻卑毋諂

凡曰可者僅可而有所未盡之辭

子路篇晷月而已可也皇疏可者未足之辭也

樂則心廣體胖

禮大學心廣體胖

好禮則安處善樂循理

漢書董仲舒傳重禮節然後安處善安處善然後樂循理

往者其所已言者

晉語吾言往矣

來者其所未言者

微子篇來者猶可追皇疏來者謂未至之事也

爲政弟二

政之爲言正也所以正人之不正也

爲政章

顏淵篇季康子問政於孔子孔子對曰政者正也

子帥以正孰敢不正

德之爲言得也行道而有得於心也

禮樂記德者得也又鄉飲酒義德也者得於身也
故曰古之學術道者將以得之於身也說文惠外
得於人內得於己也

北辰北極天之樞也居其所不動也

爾雅釋天北極謂之北辰呂氏春秋有始篇極星
與天俱游而天樞不移

共向也

漢書郊祀志注合兩手曰拱。鄒壽祺曰拱古作

𠂔說文竦手也兩手相向故其有向義

爲政以德則無爲而天下歸之

鄭注德者無爲

集解

所守者至簡而能御煩所處者至靜而能制動所務者至寡而能服眾

王弼周易略例云夫眾不能治眾治眾者至寡者也夫動不能制動制天下之動貞夫一者也

蔽猶蓋也

三百章

老子故能蔽不新成王注蔽覆蓋也

道猶引導謂先之也

道之以政章

呂氏春秋適威篇忠信以導之高注導猶先也

齊所以一之也

周語其君齊明衷正韋注齊一也

格至也

爾雅釋詁格至也

一說格正也

何注格正也

集解

心之所之謂之志

吾十有五章

毛詩序在心爲志。鄭壽祺曰志爲諧聲兼會意

字心所之爲志如日所之爲眚手所之爲持

卽古持字

口所之爲告許書以告爲從牛似誤

則念念在此

左氏襄公二十三年傳夏書曰念茲在茲

無所違逆

皇疏順謂不逆也

從隨也

詩旣醉篇從以孫子鄭箋從隨也

矩法度之器所以爲方者也

馬注矩法也

集解

孟子離婁篇不以規矩不能成方

圓

無違謂不背於理

無違章

廣雅釋詁違脩也

御爲孔子御車也

皇疏御御車也

禮卽理之節文也

禮仲尼燕居子曰禮也者理也

是時三家僭禮故夫子以是警之

皇疏引衛瓘曰孟孫三家僭濫違禮故孔子以每

事須禮爲答也

養謂飲食供奉也

子游章

禮郊特牲凡飲養陽氣也凡食養陰氣也說文食部養供養也荀子君子篇論知所貴則知所養矣

楊注養謂自奉養

食飯也

子夏章

周禮膳夫掌王之食飲鄭注食飯也

先生父兄也饌飲食之也

馬注先生謂父兄也饌飲食也

集解

曾猶嘗也

皇疏曾猶嘗也○曾嘗雙聲

蓋孝子之有深愛者必有和氣有和氣者必有愉色

有愉色者必有婉容

禮祭義文

不違者意不相背

與言章

說文韋部韋相背也

私謂燕居獨處

毛詩葛覃篇薄汚我私傳私燕服也

以爲也

視其章

左氏定公十年傳封疆社稷是以杜注以猶爲也

○陳景條曰視其所以大戴記文王官人篇考其所爲卽此義

由從也

泰伯篇民可使由之後漢書方術傳注引鄭注由從也詩君子陽陽篇右招我由房鄭箋由從也

或曰由行也

廣雅釋詁由行也

察則又加詳矣

說文六部察覆也

安所樂也

淮南子汜論訓百姓安之高注安樂也

焉何也

子路篇焉用稼皇疏焉猶何也左氏昭公九年傳則戎焉取之正義焉猶何也

廋匿也

孔注廋匿也

集解

溫尋繹也

溫故章

何注溫尋也

集解

皇疏溫是尋繹之義

器者各適其用而不能相通

不器章

包注器者各周其用

集解

○崔適曰莊子天運篇云

夫水行莫如用舟而陸行莫如用車以舟之可行

於水也而求推之於陸則沒世不行卽此義

周普徧也

周而不比章

說文勺部矧帀徧也詩崧高篇周邦咸喜鄭箋周徧也

比偏黨也

孔注阿黨爲比

集解

故危而不安

學而不思章

說文占部𠂔危也

攻專治也

攻乎異端章

何注攻治也

集解

故治木石金玉之工曰攻

考工記凡攻木之工七攻金之工六刮摩之工五

千求也

千祿章

鄭注千求也

集解

祿仕者之奉也

楚語成王每出子文之祿韋注祿奉也周禮太宰

四曰祿位以馭其士鄭注若今月俸也

尤罪自外至者也

樓蔚然曰包注尤過也爾雅釋言郵過也郵尤古

通用言自我出則尤爲人來

錯捨置也

哀公問章

包注錯置也

集解

廣雅釋詁捨置也

諸眾也

廣雅釋詁諸眾也

莊謂容貌端嚴也

季康子章

包注莊嚴也

集解

善兄弟曰友

或謂孔子章

爾雅釋訓善兄弟曰友

輓轅端橫木縛輓以駕牛者

人而無信章

包注大車牛車輓者轅端橫木以縛梘者也

集解

輓轅端上曲鉤衡以駕馬者

包注小車駟馬車也軌者轅端上曲拘衡者也集解

王者易姓受命爲一世子張問章

鄭注世謂易姓之世也太平御覽五百二十三

馬氏曰所因謂三綱五常所損益謂文質三統

集解引馬融注文

三綱謂君爲臣綱父爲子綱夫爲妻綱

白虎通三綱篇三綱者何爲也謂君臣父子夫婦

故君爲臣綱父爲子綱夫爲妻綱

五常謂仁義禮智信

白虎通情性篇五性者何謂仁義禮智信

文質謂夏尙忠商尙質周尙文

漢書董仲舒傳故王者有改制之名以變道之實然夏上忠殷上敬周上文者所繼之祿當用此也三統謂夏正建寅爲人統商正建丑爲地統周正建子爲天統

後漢書章帝紀注引尙書大傳曰夏以十三月爲正平旦爲朔殷以十二月爲正雞鳴爲朔周以十一月爲正夜半爲朔

聖人所以知來者蓋如此

易繫辭極數知來之謂占又曰神以知來又說卦

傳知來者逆

諂求媚也

非其鬼章

鄭注非其祖考而祭之是諂以求福也

集解

學而篇

賁而無諂皇疏非分橫求曰諂左氏襄公三年傳稱其讎不爲諂杜注諂媚也

八佾第三

佾舞列也天子八諸侯六大夫四士二每佾人數如

其佾數

八佾章

馬融注佾列也天子八佾諸侯六卿大夫四士二

八人爲列八八六十四人

集解

或曰每侑八人

左氏隱五年傳正義曰服虔以用六爲六八四十八大夫四爲四八三十二士二爲二八十六

或曰忍容忍也

邢疏人之僭禮者皆當罪責不可容忍

雍周頌篇名

三家章

馬注雍周頌臣工篇名

集解

徹祭畢而收其俎也

禮曲禮客徹重席鄭注徹去也儀禮鄉射儀乃徹豐與解鄭注徹猶除也

天子宗廟之祭則歌雍以徹是時三家僭而用之

馬注天子祭於宗廟歌之以徹祭今三家亦作此

樂

集解

相助也

毛詩雍篇相維辟公傳相助也

辟公諸侯也

包注辟公謂諸侯

集解

天子之容也

包注穆穆天子之容也

孔子以時方逐末而放獨有志於本故大其問

林放章

皇疏引王弼曰時人棄本崇末故大其能尋本禮
意也

易治也

毛詩甫田篇禾易長畝傳易治也

孟子曰易其田疇

孟子盡心篇

亡古無字通用

夷狄章

包注亡無也

集解

詩蕩篇時無背無側漢書五行志

作亡背亡側左氏昭公十三年傳賓須無十五年
傳費無極漢書古今人表無俱作亡

旅祭名 李氏章

馬注旅祭名也 集解

禮諸侯祭封內山川

馬注禮諸侯祭山川在其封內者也 集解

嗚呼歎辭

皇疏嗚呼歎也文選非有先生論先生曰於戲可乎哉李善注於戲歎辭也

倩好口輔也盼目黑白分也 巧笑章

毛詩碩人篇傳倩好輔盼白黑分

繪事繪畫之事也

鄭注繪畫文也

集解

起猶發也

皇疏起發也

杞夏之後

夏禮章

史記陳杞世家周武王克殷紂求禹之後得東樓公封之於杞

宋殷之後

禮樂記投殷之後於宋

徵證也

禮中庸雖善無徵鄭注徵或爲證

文典籍也

文選劇秦美新論古文畢發李善注古文先王之典籍也

獻賢也

鄭注獻猶賢也

集解

趙伯循曰禘王者之大祭也

伯循名匡唐代人師啖助說詳陸圻春秋啖趙集傳纂例卷二郊廟雩社例弟十二之辨禘義之弟十條

示與視同

或問章

詩鹿鳴篇視民不忼鄭箋視古示字也

媚親順也

王孫賈章

邢疏欲使孔子求媚親暱於己○洪昌烈曰媚與
媿通說文女部媿順也

室西南隅爲奧

爾雅釋宮西南隅謂之奧

夏所祭也

禮月令孟夏之月其祀竈

天卽理也

左氏成公十三年傳民受天地之中以生所謂命

也是以有動作禮義威儀之則以定命也能者養

之以福

據漢志漢臈當乙作以之

不能者敗以取禍是故君子

勤禮小人盡力禮中庸天命之謂性鄭注天命謂天所命生人者也是謂性命木神則仁金神則義火神則禮水神則信土神則知又樂記則天理滅矣鄭注理猶性也呂氏春秋本生篇以全天爲故者也淮南子原道訓不以人易天高注並云天性也荀子解蔽篇莊子蔽於天而不知人楊注天謂無爲自然呂氏春秋離謂篇云理也者是非之宗也

其尊無對非奧竈之可比也

爾雅釋天釋文引春秋說題辭曰天之言鎮也居高理下爲人經緯故其字一大以鎮之也春秋繁露郊祭篇天者百神之大君也淮南子覽冥訓上天之誅也高注上天上帝也書君奭格於皇天正義皇天北極大帝也

逆理則獲罪於天矣

王正春日大戴記三本篇天地者性之本也惟其爲性之本故卽爲理之本違理卽違天獲罪於天矣

監視也

周監章

孔注監視也

集爾雅釋詁監視也

二代夏商也

皇疏二代夏殷也

郁郁文盛貌

皇疏郁郁文章明著也漢書禮樂志引郁郁乎文哉顏師古曰郁郁文章貌文選蜀都賦蜜房郁毓披其阜李善注郁毓盛多也

太廟魯周公廟

子入太廟章

包注太廟周公廟也

集公羊文十三年傳世室者

魯公之廟也周公稱太廟魯公稱世室羣公稱宮

皮革也

射不主皮章

說文剝取獸革謂之皮

料等也

袁堯年曰廣雅釋言科品也漢書匈奴傳集注品

謂等差也

餼生牲也

告朔章

鄭注生牲曰餼

集解

魯自文公始不視朔

鄭注魯自文始不視朔

集解

愛猶惜也

禮表記愛莫助之鄭注愛猶惜也

關雎周南國風詩之首篇也

關雎章

邢疏關雎者詩國風周南首篇也

古者立社各樹其土之所宜木

問社章

孔注凡建邦立社各以其土所宜之木

集解

戰栗恐懼貌

爾雅釋詁戰慄懼也廣雅釋訓戰戰慄慄懼也

故歷言此以深責之欲使謹其後也

包注孔子非宰我故歷言二者欲使慎其後也

集解

三歸臺名事見說苑管仲之器章

說苑善說篇

攝兼也

包注攝猶兼也

集解

左氏昭公十三年傳羊舌肸攝

司馬杜注攝兼官也

家臣不能具官

禮禮運大夫具官

屏謂之樹

爾雅釋宮屏謂之樹

塞猶蔽也

邢疏塞猶蔽也

好謂好會玷在兩楹之間獻酬飲畢則反爵於其上
鄭注反玷反爵之玷也在兩楹之間又云若與鄰
國君爲好會其獻酢之禮更酌酌畢則各反爵於
玷上
集解
而管仲僭之不知禮也

鄭注今管仲皆僭爲之如是是集解不知禮也

語告也語魯太師章

廣雅釋詁告語也

太師樂官名

何注大師樂官名也

集解

翕合也

爾雅釋詁翕合也毛詩常棣兄弟既翕傳翕合也

從放也

皇疏從放縱也

純和也

何注純如和諧也

集解

皦明也

何注言其音節分明也

集解

方言十二皦明也

成樂之一終也

周語成德之終也書益稷蕭韶九成正義引鄭注
曰成猶終也

見之謂通使得見

儀封人章

包注從者是弟子隨孔子行者也通使得見者也
禮曰喪欲速貧是也

禮檀弓文

木鐸金口木舌

揚子學行篇則莫若使諸儒金口而木舌

施政教時所振以警眾者也

孔注木鐸施政教時所振也

集解

韶舜樂

子謂韶章

孔注韶舜樂名也

集解

武王樂

孔注武王樂也

集解

里仁弟四

約窮困也

不仁章

禮坊記小人貧斯約鄭注約猶窮也孔注久困則

爲非

集解

皇疏約猶貧困也

利猶貪也

禮坊記先財而後禮則民利鄭注利猶貪也

久約必濫

皇疏久居約則必斯濫爲盜故不可久處也

惟之爲言獨也

惟仁章

呂氏春秋義賞篇不失君臣之禮者惟赦高注惟

獨也廣雅釋詁唯獨也

苟誠也

苟志章

孔注苟誠也

集解

終食者一飯之頃

富貴章

邢疏故君子無食頃違去仁道禮文王世子文王

一飯亦一飯

造次急遽苟且之時

馬注造次急遽也

集解

顛沛傾覆流離之際

馬注顛沛僵仆也

集解

廣雅釋訓沛沛流也

蓋疑辭

未見章

禮檀弓有子蓋既祥正義蓋是疑辭

黨類也

人過章

孔注黨黨類也

集解

道者事物當然之理

朝聞章

管子君臣篇順理而不失之謂道

適專主也

君子章

毛詩伯兮篇誰適爲容傳適主也

春秋傳曰吾誰適從

左氏僖公十五年文

莫不有也

汪昌烈曰廣雅釋詁莫強也強卽不有。陳錦條曰晉語大夫辭之不可韋注可有也不有卽不可論語筆解曰適可莫不可

比從也

左氏昭公二十八年傳擇善而從之曰比

懷思念也

懷德章

說文懷念思也

懷刑謂畏法

孔注安於法也

懷惠謂貪利

皇疏惠恩惠利人也

孔氏曰放依也

放利章

集解孔注文

多怨謂多取怨

孔注取怨之道也

集解

讓者禮之實也 禮讓章

左氏襄公十三年傳讓禮之主也

何有言不難也

何注何有者言不難也 集解

貫通也 參乎章

淮南子時則訓貫大人之國主術訓業貫萬世而不壅高注並云貫通也

唯者應之速而無疑者也

禮曲禮唯而不諾鄭注唯應辭唯恭於諾○陳景條曰集解引孔注曰直曉不問故答曰唯與此注

義同而語異

夫子知其真積力久

荀子勸學篇真積力久則入

推己之謂恕

衛靈公篇其恕乎己所不欲勿施於人
賈子道術篇以己量人謂之恕

或曰中心爲忠
如心爲恕

詩關雎序鄭箋衷謂中心恕之正義於文中心爲忠
如心爲恕

喻猶曉也
喻義章

孔注喻猶曉也

集解

義者天理之所宜

祭義義者宜此者也

利者人情之所欲

說文心部情人之陰氣有欲者

幾微也

幾諫章

包注幾微也

集解

說文幺部幾微也

知猶記憶也

父母之年章

陳景條曰說文識知也今新安人讀知如記與識

同韵

則既喜其壽又懼其衰

孔注見其壽考則喜見其衰老則懼

集解

鄭注同孔

釋文

而於愛日之誠

法言孝至篇孝子愛日

逮及也

言之不出章

包注爲恥其身行之將不及也

集解

爾雅釋言逮及

也說文肅部隸及也

鄰猶親也

左氏昭公十二年傳倍其鄰者杜注鄰猶親也皇

疏殷仲堪曰推誠相與則殊類可親

數煩數也

事君數章

韓李論語筆解曰數當爲煩數之數

公冶長弟五

妻爲之妻也

公冶長章

詩有女同車序齊侯請妻之釋文以女適人曰妻

縲黑索也

孔注縲黑索也

集解

縲繫也古者獄中以黑索拘繫罪人

孔注縲繫也所以拘罪人也

集解

不廢言必見用也

王注不廢言見任用也

集解

器者有用之成材

賜也章

孔注言汝是器用之人也

集解

夏曰瑚商曰運周曰簠簋皆宗廟盛黍稷之器而飾以玉器之貴重而華美者也

包注瑚運者黍稷器也夏曰瑚殷曰運周曰簠簋

宗廟器之貴者也

集解

佞口才也

雍也章

雍也篇不有祝鮀之佞孔注佞口才也

集解

禦當也猶應答也

毛詩黃鳥篇百夫之禦傳禦當也爾雅釋詁應當也

憎惡也

說文心部憎惡也

桴筏也

乘桴章

馬注桴編竹木也大者曰筏小者曰桴

集解

賦兵也

孟武伯章

孔注賦兵賦也

集解

春秋傳所謂悉索敝賦是也

左氏襄公三十一年傳文

百乘卿大夫之家

孔注卿大夫稱家諸侯于乘卿大夫百乘

集解

宰邑長家臣之通號

孔注宰家臣

集解

愈勝也

孰愈章

孔注愈猶勝也

集解

一數之始十數之終

漢書董仲舒傳一者萬物之所從始也說文一字

下云惟初太始道立於一又士字下云數始於一

終於十春秋繁露陽尊陰卑篇十者天數之止也
皇疏引張封谿曰一者數之始十者數之終老子
昔之得一者王弼注一數之始而物之極也

與許也

皇疏引秦道賓曰爾雅云與許也述而篇惟我與
爾皇疏與許也

朽腐也

晝寢章

包注朽腐也

集解

說文𠂔部所腐也

雕刻畫也

包注雕雕琢刻畫也

集解

朽鏝也

王注朽鏝也

集解

爾雅釋宮鏝謂之朽說文木部朽

秦謂之朽關東謂之鏝

與語辭

皇疏與語助也

誅責也

孔注誅責也

集解

剛堅強不屈之意

申根章

鄭注剛謂強志不屈

書皋陶謨正義

詩烝民篇剛則吐之

鄭箋剛堅強也

慾多嗜慾也

孔注慾多情慾也

集解

威儀文辭皆是也

夫子之文章章

賈子容經篇有威而可畏謂之威有儀而可象謂之文淮南子詮言訓止威文高注文謂威儀文采性者人所受之天理

何注性者人所受以生者也

集解

天道者天理自然之本體

大戴記本命篇分於道謂之命盧注道爲冥化自然之道也莊子繕性篇道理也又天道篇古之明

大道者先明天而道德次之郭注天者自然也

敬謹恪也

子謂子產章

爾雅釋詁恪敬也

惠愛利也

爾雅釋詁惠愛也里仁篇小人懷惠皇疏惠恩惠利人也

居猶藏也

臧文仲章

陸以增曰漢書張湯傳居物致富師古注居猶儲也儲有藏義

蔡大龜也

皇疏蔡大龜也

節柱頭斗拱也

皇疏山節者刻柱頭露節爲山如今棋斗也

藻水艸名

說文艸部藻艸也

梲梁上短柱也

包注梲者梁上楹也畫爲藻文

集解

左氏昭公元年

傳叔孫指楹柱注楹柱也禮禮器釋文梲梁上侏

儒柱也晉語侏儒不可使援韋注侏儒短者

十乘四十匹也違而去之

令尹文章

孔注捐其四十匹馬違而去之也

集解

毛詩殷其雷

篇何斯違斯傳違去也

若使晉而求遭喪之禮以行

事見左氏文公六年傳杜注所謂文子三思

斯語辭

詩小弁篇弁彼騶斯釋文斯語辭

此孔子周流四方

子在陳章

皇疏孔子周流諸國在陳最久易繫辭周流六虛
狂簡志大而略於事也

汪昌烈曰狂之爲言汪也晉語注汪大貌周語不

亦簡彙乎韋注簡略也

斐文貌

皇疏斐然文章貌也

裁割正也

廣雅釋詁裁裂也。陸以增曰裂割同義鄉黨割不正不食割正二字連文

醯醢也

微生高章

邢疏醯醢也

掠美市恩

左氏昭公十四年傳已惡而掠美爲昏

足過也

巧言令色章

廣韵十遇有足字云添物也

盍何不也

顏淵季路侍章

鄭注盍何不也

文選思元賦注

○盍何雙聲盍不疊韵

裘皮服

說文裘皮次也

敝壞也

左氏昭公二十六年傳魯之敝室杜注敝壞也

憾悵也

孔注憾悵也

集解

伐誇也

邢疏誇功曰伐

易曰勞而不伐

易繫辭子曰勞而不伐

或曰勞勞事也

孔注無以勞事置施於人也

集解

十室小邑也

十室之邑章

邢疏十室之邑邑之小者也

雍也第六

南面者人君聽治之位

雍也章

易說卦傳聖人南面而聽天下嚮明而治

胡氏以爲疑卽莊周所稱子桑戶者是也

莊子大宗師篇又山木篇

家語記伯子不次冠而處

今家語無此文見家語後敘又見說苑第十九篇

遷移也

哀公問章

何注遷者移也

集解

貳復也

何注不貳過者有不善未嘗復行也

釜六斗四升

子華使齊章

馬注六斗四升曰釜集解

庾十六斗

包注十六斗爲庾也集解

秉十六斛

馬注十六斛爲秉集解

周者補不足

禮月令周天下鄭注周謂給不足

繼者續有餘

說文繼續也

粟宰之祿也

廣雅釋言粟穀也爾雅釋言穀祿也。樓蔚然曰承上爲宰言故云宰之祿

五家爲鄰二十五家爲里萬二千五百家爲鄉五百家爲黨

鄭注五家爲鄰五鄰爲里萬二千五百家爲鄉五

百家爲黨

集解

犂櫟文駢赤色

子謂仲弓章

何注犂櫟文也駢赤色也

集解

周人尙赤牲用駢

禮檀弓周人尙赤牲用駢

角角周正中犧牲也

何注角者角周正中犧牲也

集解

果有決斷

季康子章

包注果謂果敢決斷也

集解

達通事理

孔注達謂通於物理也

集解

藝多才能

孔注藝謂多才能也

集解

言若再來召我

使閔子騫章

孔注復我者重來召我也

集解

牖南牖也

伯牛章

皇疏牖南窗也

命謂天命

禮中庸天命之謂性

簞竹器也

賢哉回也章

邢疏簞竹器

食飯也

邢疏食飯也

瓢瓠也

孔注瓢瓠也

畫者能進而不欲
非不說章

楊譽龍曰本集解孔注畫止也義

徑路之小而捷者
子游爲武城宰章

皇疏不爲邪徑小路行也楚辭離騷惟捷徑以窘步

胡氏曰反卽莊周所稱孟子反者是也
孟之反章

莊子大宗師篇

伐誇功也

孔注不伐者不自伐其功也
集解

奔敗走也

說文大部奔走也

軍後曰殿

馬注殿在軍後者也前曰啟後曰殿

集解

策鞭也

晉語其左執鞭弭韋注鞭所以擊馬

祝宗廟之官

祝鮀章

憲問篇祝鮀治宗廟

有口才

孔注佞口才也

集解

野野人言鄙略也

質勝文章

包注野如野人言鄙略也

集解

史掌文書

周禮天官序官史十有二人鄭注史掌書者賈疏
史主造文書

彬彬猶班班物相襍而適均之貌

包注彬彬文質相半之貌也

集解

鄭注彬彬襍半貌

後漢書馮衍傳注

禮王制班白者不提挈鄭注襍色曰班

○彬彬雙聲

獲謂得也

樊遲問知章

孔注先勞苦而後得功

集解

邢疏獲謂得也

樂喜好也

知者樂水章

禮禮運玩其所樂釋文樂好也

動而不括

易繫辭動而不括是以出而有獲

觚棱也

觚不觚章

莊子大宗師篇其觚而不堅也釋文引崔譔注觚棱也史記酷吏列傳破觚而爲圓索隱引應劭曰觚八棱有隅者說文木部榘棱也棱榘也

或曰酒器

皇疏觚禮酒器也

或曰木簡

史游急就章急就奇觚與眾異顏師古注觚者削木爲之文選文賦或操觚以率爾李善注觚木之方者古人用之以書猶今之簡也

逝謂使之往救

率我問曰章

包注逝往也

集解

欺謂誑之以理之所有

荀子性惡篇欺誑詐僞也楊注欺誑也

罔謂昧之以理之所無

左氏襄公二十六年傳昧於一來杜注昧猶貪冒

荀子非十二子篇偷儒而罔楊注罔謂罔冒不畏

人之言也冒昧同義

約要也

博學於文章

淮南子主術訓所守甚約高注約要也○約要雙

聲

畔背也

皇疏畔背也○畔背雙聲

矢誓也

子見南子章

孔注矢誓也

集解

鄭注矢誓也

文釋

爾雅釋言矢誓也

所誓辭也如云所不與崔慶者之類

左氏襄公二十五年傳盟國人曰所不與崔慶者

厭棄絕也

邢疏厭棄也

庸平常也

子曰中庸章

何注庸常也

集解

至極也

儀禮聘禮記義之至也鄭注至極也

鮮少也

皇疏鮮少也

博廣也

博施於民章

儀禮士冠禮純博寸鄭注博廣也

乎者疑而未定之辭

易繫辭其不可見乎正義疑而問之故稱乎也

病心有所不足也

樓蔚然曰史記倉公傳人之所病正義云病厭患多也不足與多爲對文厭患多故不足也

譬喻也

說文言部譬諭也

方術也

呂氏春秋必已篇如此其無方也高注方術也

述而第七

述傳舊而已

述而章

皇疏述者傳於舊章也

作則創始也

詩天作篇正義作創立之言廣雅釋詁作始也

故作非聖人不能

易繫辭作者之謂聖

我親之之辭

說文我施身自謂也。陸以增曰施身自謂即親之之義

見大戴禮

虞戴德篇

一說識知也

詩瞻卬篇君子是識鄭箋識知也

燕居閒暇無事之時

燕居章

漢書蔡義傳願賜清閒之燕

夭夭其色愉也

汪昌烈曰夭愉雙聲合韵亦近如飫亦作醺

依者不違之謂

志道章

鄒壽祺曰漢書禮樂志云依韋饗昭注依韋諧和

不相乖離也不相離卽不違

游者玩物適情之謂

孫兆熊曰莊子外物篇心有天游卽適情之謂

藝則禮樂之文射御書數之法

何注藝六藝也集解皇疏六藝謂禮樂書數射御

脩脯也自行章

說文肉部脩脯也

十脰爲束

禮少儀束脩一犬正義束脩十脰脯也○項詠曰

鄭注儀禮士冠禮束帛云十端帛注士昏禮束帛

亦以十端爲說是十端帛爲一束稱束帛故十端
脯亦稱束

古者相見必執贄以爲禮

皇疏古者相見必執物爲贄

束脩其至薄者

皇疏束脩最是贄之至輕者也

悱者口欲言而未能之貌

不憤章

汪昌烈曰文選嘯賦注引字書云悱心誦也但能

心誦是口未能言也

啟謂開其意

說文口部后開也

反者還以相證之意

漢書陳勝傳使者五反顏師古注反謂回還也

復再告也

鄭注則不復重教之也

集解

○陸以增曰重教卽再

告

萬二千五百人爲軍

用行章

白虎通三軍篇萬二千五百人爲軍三軍三萬七

千五百人

大國三軍子路見孔子獨美顏淵自負其勇

孔注大國三軍子路見孔子獨美顏淵以爲已有

勇

集解

暴虎徒搏馮河徒涉

孔注暴虎徒搏也馮河徒涉也

集解

爾雅釋訓文同

詩小雅毛傳曰徒搏曰暴虎徒涉曰馮河

執鞭賤者之事

富而章

鄭注雖執鞭賤職

集解

齊之爲言齊也

子之章

禮祭統齊之爲言齊也所以齊不齊以致齊也

史記三月上有學之二字

在齊章

史記孔子世家文

爲猶助也衛君出公輒也

冉有章

鄭注爲猶助也衛君者謂輒也

集解

諾應辭也

詩閟宮篇莫敢不諾鄭箋諾應辭也

怨猶悔也

樓蔚然曰廣雅釋詁怨恨也悔悵也怨悔同訓故

曰猶悔

飯食之也

飯疏章

皇疏飯猶食也

疏食麤飯也

詩召旻篇彼疏斯稗鄭箋疏麤也

史記作假我數年

史記孔子世家文

執守也

禮曲禮執爾顏鄭注執猶守也

僭稱公也

葉公章

孔注食采於葉僭稱公

集解

敏速也謂汲汲也

我非章

里仁篇而敏於行皇疏敏疾速也漢書揚雄傳不

汲汲於富貴師古注汲汲欲速之意

怪異勇力悖亂之事

不諧章

王肅注怪怪異也

集說文心部怪異也說文言部

詩重文悖亂也

諸弟子以夫子之道高深

二三子章

包注二三子謂諸弟子也聖人智廣道深弟子學

之不能及

集解

與猶示也

邢疏與猶示也

忠信本也

四教章

禮禮器忠信禮之本也

恆常久之意

聖人不得見章

爾雅釋詁恆常也易櫟卦傳恆久也

網以大繩屬網絕流而漁者也

子鈞章

孔注網者爲大網以絕橫流

集解

爾雅釋水正絕流

曰亂

弋以生絲繫矢而射也

孔注弋繳射也

集解

說文絲部繳生絲爲繩也

宿宿鳥

孔注宿宿鳥也

集解

互鄉鄉名

互鄉章

鄭注互鄉鄉名也

集解

潔修治也

荀子不苟篇君子絜其辯而同焉者合矣楊注絜

修整也

往前日也

皇疏引顧歡曰往謂前日之行

相助匿非曰黨

陳司敗章

孔注相助匿非曰黨

集解

禮不娶同姓而魯與吳皆姬姓

孔注魯吳俱姬姓也禮同姓不婚

集解

反復也

子與人歌章

易復卦反復其道櫟卦傳復反也說文又部反覆也。陳景條曰史記孔子世家作則使復之然後和之是史記訓復

莫疑辭

子日文章

莊子人閒世篇妄則其言之也莫郭注莫然疑之聖者大而化之

若聖與仁章

孟子盡心篇大而化之之謂聖

禱謂禱於鬼神

子疾病章

包注禱禱請於鬼神

集解

誄者哀死而述其行之詞也

文選文賦李善注誄以陳哀墨子魯問篇誄者道
死人之志也禮曾子問賤不誄貴幼不誄長鄭注
誄累也累列生時行迹讀之以作諱釋名釋典藝
篇誄累也累列其事而稱之也

天曰神地曰祇

皇疏天曰神地曰祇也

其素行固已合於神明

孔注孔子素行合於神明

集解

孫順也奢則不孫章

邢疏孫順也

固陋也

孔注固陋也

集解

坦平也

坦蕩蕩章

廣雅釋訓坦坦平也。○項詠曰平與常同義

蕩蕩寬廣貌

鄭注坦蕩蕩寬廣貌也

集解

厲嚴肅也

子溫而厲章

皇疏厲嚴也

陰陽合德

易繫辭陰陽合德而剛柔有體

泰伯第八

憊畏懼貌

何注憊畏懼之貌也。○項詠曰說文無憊字荀子
疆國篇則有其認矣楊注認懼也文選魯靈光殿
賦心猓猓而發悸李善注猓懼貌是從思字皆有
懼義

絞急切也

鄭注絞急也

釋文

左氏昭公元年傳叔孫絞而婉杜

注絞切也

興起也

包注興起也

集說文昇部興起也解

偷薄也

包注起爲仁厚之行不偷薄也

集解

啟開也

召門弟子章

鄭注啟開也

集解

曾子平日以爲身體受於父母不敢毀傷故於此使弟子開其衾而視之

鄭注曾子以爲受身體於父母不敢毀傷之故使

弟子開衾而視之也

集解

戰戰恐懼兢兢戒謹

皇疏戰戰恐懼兢兢戒慎也爾雅釋訓兢兢戒也
臨淵恐墜履冰恐陷也

毛詩小雅如臨深淵傳恐墜也如履薄冰傳恐陷也
也皇疏如臨深淵恐墜也如履薄冰恐陷也

小子門人也

先進篇小子鳴鼓而攻之鄭注小子門人也

集解

言自言也

孟敬子章

說文言部直言曰言論難曰語毛詩葛覃篇言告

師氏傳言我也

人窮反本

史記屈原列傳父母者人之本也人窮則反本

貴猶重也

晉語貴貨而賤土韋注貴重也

辭言語

禮曲禮安定辭正義辭言語

氣聲氣也

釋名釋天篇氣氣也氣然有聲而無形也

鄙凡陋也

史記樂書鄙者陋也

倍與背同謂背理也

左氏昭公二十六年傳倍奸齊盟正義倍卽背也
籩竹豆木豆

周禮籩人掌四籩之實鄭注籩竹器如豆者其容
實皆四升爾雅釋器木豆謂之豆竹豆謂之籩

馬氏以謂顏淵是也

能問不能章

集解引馬融曰友謂顏淵也

其才可以輔幼君

託孤章

孔注六尺之孤謂幼少之君

集解

攝國政

孔注攝君之政令也

集解

與疑辭

禮聘義爲玉之多而瑋之寡與正義與疑辭也

也決辭

顏氏家訓書證篇也是語已及助句之辭

毅強忍也

曾子曰士章

包注毅強而能決斷也

集解

興起也

興於詩章

包注興起也

集解

可以固人肌膚之會筋骸之束

禮禮運禮義也者所以講信修睦而固人肌膚之會筋骸之束也

而蕩滌其邪穢

史記樂書萬民咸蕩滌邪穢斟酌飽滿以飾厥性才美謂智能技藝之美

如有周公章

書金縢予仁若考能多才多藝能事鬼神

穀祿也

三年學章

鄭注穀祿也

釋文

爾雅釋言穀祿也皇疏引孫綽曰

穀祿也

篤厚而力也

篤信章

爾雅釋詁篤厚也

碌碌庸人

史記酷吏傳贊九卿碌碌奉其官

亂樂之卒章也

師摯之始章

陳景條曰以亂與始對故曰卒章

史記曰關雎之亂以爲風始

史記孔子世家文

泮泮美盛意

史記樂書泮泮美德乎來隱泮泮美盛貌

侗無知貌

狂而不直章

莊子山木篇侗乎其無識

愿謹厚也

孔注侗未成器之人也宜謹愿也

集解

左氏襄公三

十一年傳愿吾愛之杜注愿謹善也

忞忞無能貌

呂氏春秋下賢篇空空乎其不爲巧故也。鄒壽

祺曰不爲巧故卽無能貌

巍巍高大之貌

子曰巍巍乎章

何注巍巍高大之稱也

集解

則猶準也 子曰大哉章

素問八政神明論必有法則焉王注則準也

蕩蕩廣遠之稱也

包注蕩蕩廣遠之稱也 集解

煥光明之貌

何注煥明也

集解

文章禮樂法度也

詩抑篇維民之章鄭箋章文章法度也

五人禹稷契皋陶伯益 有臣五人章

孔注禹稷契皋陶伯益也 集解

馬氏曰亂治也十人謂周公旦召公奭太公望畢公榮公太顛閎夭散宜生南宮适其一人謂文母

馬注亂理也理官者十人也謂周公旦召公奭太公望畢公榮公太顛閎夭散宜生南宮适其餘一

人謂文母也

集解

際交會之閒

孔注際者交會之閒也

集解

春秋傳曰文王率商之畔國以事紂

左氏襄公四年傳文

閒罅隙也

禹無閒然章

左氏昭公十三年傳諸侯有閒矣哀公二十七年傳故君臣多閒杜注並訓閒爲隙爾雅釋詁釋文閒隙也說文門部閒隙也

菲薄也

馬注菲薄也

集解

致孝鬼神謂享祀豐潔

馬注致孝乎鬼神祭祀豐潔也

集解

衣服常服

孔注損其常服

集解

黻黻剌也

邢疏蔽蔽斜也

冕冠也

邢疏冕其冠也

皆祭服也

孔注以盛祭服

集解

溝洫田閒水道

包注方里爲井井閒有溝溝廣深四尺十里爲城

城閒有洫洫廣深八尺也

子罕弟九

蓋美其學之博而惜其不成一蕪之名也

達巷章

鄭注此黨之人美孔子博學道藝不成一名而已

集解

間人譽已承之以謙也

鄭注間人美之承以謙也

集解

麻冕緇布冠也

麻冕章

孔注冕緇布冠也

集解

純絲也

孔注純絲也

集解

說文糸部純絲也

儉謂省約

說文人部儉約也

緇布冠以三十升爲之

孔注古者績麻三十升布以爲之

升八十縷

儀禮喪服冠六升鄭注布八十縷爲升

臣與君行禮當拜於堂下君辭之乃升成拜

王注臣之與君行禮者下拜然後升成禮

集解

泰驕慢也

王注時臣驕泰

絕無之盡者

子絕四章

皇疏絕者無也文選鮑明遠還都道中詩絕目盡

平原李善注絕猶註也

必期必也

漢書韓信傳且漢下不可必注必謂必信之路溫
舒傳刻木爲吏期不對注期猶必也議不必入對
循環不窮矣

孫子兵勢篇奇正相生若循環之無端

畏者有戒心之謂

子畏於匡章

孟子公孫丑篇子有戒心

陽虎曾暴於匡

包注陽虎嘗暴於匡

集解

茲此也

孔注茲此也爾雅釋詁茲此也

文王既沒故孔子自謂後死者

孔注文王既沒故孔子自謂後死也

集解

則匡人其奈我何言必不能違天害已也

馬注如予何者猶言奈何我也又云言其不能違

天而害已也

集解

孔氏曰大宰官名或吳或宋未可知也

太宰章

孔注大宰大夫官名也或吳或宋未可分也

集解

將殆也

詩簡兮篇方將萬舞鄭箋將且也廣雅釋詁將欲也

試用也

鄭注試用也

集解

爾雅釋言試用也說文言部試用

也

叩發動也兩端猶言兩頭

吾有知乎哉章

詩載驅序正義引鄭注叩其兩端謂動發本末兩頭也

已止也

鳳鳥章

公冶長篇三已之皇疏已止也詩風雨篇雞鳴不

已鄭箋已止也

冕冠也

于見齊衰章

包注冕者冕冠也

集解

衣上服裳下服

毛詩東方未明篇顛倒在裳傳上曰衣下曰裳

瞽無目者

禮少儀瞽曰聞名鄭注瞽無目也

作起也趨疾行也

包注作起也趨疾行也

集解

說文人部作起也

喟歎聲

喟然歎章

何注喟然歎聲也

集解

恍惚不可爲象

何注言恍惚不可爲形象也

集解

無窮盡

何注言不可窮盡也

集解

無方體

易繫辭故神無方而易無體

循循有次序貌

何注循循次序貌也

集解

誘引進也

何注誘進也

集解

末無也

皇疏末無也

非所謂窈冥昏默者

莊子在宥篇至道之精窈窈冥冥至道之極昏昏

默默

病閒少差也

子疾病章

孔注病少差曰閒也

集解

無甯甯也

馬注無甯甯也

集解

大葬謂君臣禮葬

孔注君臣禮葬也

集解

韞藏也

有美玉韞

馬注韞藏也

集解

匱匱也

馬注匱匱也

集解

沽賣也

馬注沽賣也

集解

東方之夷有九種

集解

馬注九夷東方之夷有九種

集解

君子所居則化

馬注君子所居者皆化也

集解

簣土籠也

譬如爲山章

包注簣土籠也

集解

書曰爲山九仞功虧一簣

書旃焚篇

惰懈怠也

語之不惰章

皇疏惰疲懈也禮檀弓吉事雖止不怠鄭注怠惰

也

吐華曰秀

苗而不秀章

文選七命方疏含秀李善注秀謂華也

曾子曰五十而不以善聞則不聞矣後生可畏章

大戴禮修身篇文

法語者正言之也法語之言章

孔注人有過以正道告之集解

繹尋其緒也

馬注能尋繹行之集解

則面從而已

書益稷汝無面從

繹泉著也衣敝繹袍章

孔注經亮著也

集解

袍衣有著者也

禮玉藻纁爲繭繻爲繭鄭注繭袍衣有著之異名

者也

伎害也

馬注伎害也

集解

求貪也

皇疏求貪也

臧善也

馬注臧善也

集解

爾雅釋詁臧善也說文臣部臧善

也

權稱錘也

可與其學章

堯曰篇謹權量包注權秤也

集解

而語助也

唐棣之華章

左氏宣公四年傳不其餒而杜注而語助也

此逸詩也

何注逸詩也

集解

鄉黨第十

恂恂信實之貌

孔子於鄉黨章

大戴記衛將軍文子篇爲下國恂蒙盧注恂信也

說文心部恂信心也

便便辯也

鄭注便便言辯貌雖辯而謹敬也

集解

許氏說文侃侃剛直也闇闇和悅而諍也

與下大夫言章

說文《部侃剛直也从侃侃古文信从《取其不

舍晝夜言部闇和說而諍也从言門聲

君在視朝也

馬注君在者君視朝也

集解

踧踖恭敬不甯之貌

馬注踧踖恭敬貌也

集解

與與威儀中適之貌

馬注與與威儀中適之貌也

集說文心部懋趣步

懋懋也走部趨安行也漢書敘傳長倩愼愼注愼
愼行步安舒也

勃變色貌

君召使損章

孔注必變色也

集解

孟子離婁篇王勃然變乎色

躡盤辟貌

包注盤辟貌也

集解

禮投壺賓再拜受主人般旋曰

辟主人阼階上拜送賓般旋曰辟

揖左人則左其手揖右人則右其手

鄭注揖左人左其手揖右人右其手集解

張拱端好

孔注言端正也集解

如鳥舒翼

皇疏如鳥欲翔舒翼時也邢疏謂疾趨而進如鳥

之張翼也

鞠躬曲身也入公門章

孔注斂身也集解

謂當棖闌之間

禮曲禮鄭注中門棖闌之中央玉藻正義中門卽

棖與闔之閒

闔門阨也

孔注闔門阨也

集解

爾雅釋宮柎謂之闔郭注闔門

阨也說文門部闔門楮也木部楮阨也

位君之虛位

包注過君之空位也

集解

攝擣也齊衣下縫也

孔注衣下曰齊攝齊者擣衣也

集解

兩手擣衣使去地尺

禮曲禮兩手擣衣去齊尺

屏藏也

邢疏屏藏其氣

息鼻息出入者也

說文心部息喘也从心自自部自鼻也象鼻形鼻部鼻形氣自界也漢書揚雄傳尙不敢惕息注出入氣

氣容肅也

禮玉藻氣容肅立容德

等階之級也

禮樂記則貴賤等矣鄭注等階級也呂氏春秋召

類篇土階三等高注等級也

逞放也

左氏隱公九年傳乃可以逞杜注逞解也

怡怡和悅也

說文心部怡和也禮內則下氣怡色鄭注怡悅也

沒階下盡階也

孔注沒盡也下盡階也

集解

聘問鄰國則使大夫執以通信

執圭章

包注爲君使以聘問鄰國執持君之圭

集解

禮郊特

牲大夫執圭而使所以申信也

執主器執輕如不克

禮曲禮凡執主器執輕如不克

敬謹之至也

包注鞠躬者敬慎之至也

集解

謂執圭平衡

禮曲禮國君則平衡

蹢蹢舉足促狹也

皇疏蹢蹢猶蹠蹠也。鄭壽祺曰蹠蹠爲重言形
況促狹爲雙聲形況

如有循記所謂舉前曳踵

鄭注足蹢蹢如有循舉前曳踵行也

集禮玉藻執

龜玉舉前曳踵蹢蹢如也

如緣物也

皇疏循猶緣循也

享獻也既聘而享用圭璧有庭實

鄭注享獻也聘禮既聘而享享用圭璧有庭實也

集解

儀禮曰發氣焉滿容

儀禮聘禮記及享發氣焉盈容

私覲以私禮見也

鄭注覲見也既享乃以私禮見

集解

愉愉則又和矣

鄭注愉愉顏色和也

集解

樓蔚然曰又和承上容

色言

紺深青揚赤色

君子不以章

說文糸部紺帛深青而揚赤色也釋名釋采帛篇
紺含也青而含赤色也

齊服也

孔注紺者齊服盛色以爲飾似衣齊服也

集解

三年之喪以飾練服也

孔注緇者三年練以緇飾次爲其似次喪服

集解

飾領緣也

孔注飾者不以爲領袖緣也

紅紫閒色不正

皇疏紅爲赤之閒紫爲黑之閒又引穎子嚴云南
方火火色赤火克金金色白以赤加白故爲紅紅
爲南方閒也北方水水色黑水克火火色赤以黑
加赤故爲紫紫爲北方閒也

褻服私居服也

王注褻服私居非公會之服者也

集解說文衣部褻

私服

衫單也

孔注暑則單服皇疏纁單也

葛之精者曰絺麤者曰綌

毛詩葛覃篇爲絺爲綌傳葛所以爲絺綌精曰絺麤曰綌說文糸部絺細葛也綌麤葛也

詩所謂蒙彼綌絺是也

詩君子偕老篇

緇黑也

儀禮既夕注七入爲緇緇黑色也

麇鹿子

爾雅釋獸鹿其子麇說文鹿部麇鹿子魯語獸多
麇麇韋注鹿子曰麇

欲其相稱

孔注服皆中外之色相稱也

集解

長欲其溫短右袂所以便作事

孔注私家裘長主溫也短右袂便作事也

集解

朝祭之服裳正幅如帷

皇疏引鄭注曰帷裳謂朝祭之服其制正幅如帷
也

喪主素吉主元

孔注喪主素吉主元集解

吉月月朔也

孔注吉月月朔也集解

齊必沐浴浴竟卽著明衣以布爲之齊必章

孔注以布爲沐浴衣也集解

謂不飲酒不如輦

莊子人閒世篇回之家貧唯不飲酒不如輦者數

月矣若此則可以爲齊乎

遷坐易常處也

孔注易常處也

集解

精鑿也

食不厭精

楚辭離騷篇精瓊靡以爲粢王注精鑿也

牛羊與魚之腥聶而切之爲膾

禮少儀牛與羊魚之腥聶而切之爲膾

饘飯傷熱溼也

說文食部饘飯傷溼也

餲味變也

孔注饘餲臭味變也

集解

皇疏餲爲經久而味惡也

魚爛曰餲

孔注魚敗曰𩚑也

集解

爾雅釋器魚謂之𩚑

肉腐曰敗

爾雅釋器肉謂之敗

飪烹調生熟之節也

孔注失飪失生熟之節也

集解

五穀不成果實未熟之類

禮王制五穀不成果實未熟不粥于市

割肉不方正者不食

皇疏古人割肉必方正

古人用醬各有所宜

皇疏食味各有所宜羸醢菰食魚膾芥醬並相宜也

酒以爲人合歡

禮樂記故酒食者所以合歡也

助祭於公所得胙肉歸卽頒賜不俟經宿者不留神惠也

周生烈注助祭於公所得牲體歸則以頒賜不留

神惠也

集解

是褻鬼神之餘也

鄭注過三日不食是褻鬼神之餘也

集解

答述曰語

周禮大司樂興道諷誦言語鄭注答述曰語

自言曰言

禮榘記言而不語鄭注言言已事也毛詩葛覃篇
言告師氏傳言我也

齊嚴敬貌

孔注齊嚴敬貌也

集解

孔子雖薄物必祭

魯論瓜作必

杖者老人也

鄉人飲酒章

孔注杖者老人也

集解

六十杖於鄉

禮王制六十杖於鄉

儺所以逐疫

孔注儺驅逐疫鬼也

集解

周禮方相氏掌之

周禮夏官方相氏帥百隸而時儺以索室毆疫

阼階東階也

皇疏阼階東階主人之階也儀禮鄉射禮席主人
於阼階上鄭注阼階東階

或曰恐其驚先祖五祀之神

孔注恐驚先祖

集解

禮郊特牲鄉人禘孔子朝服立

於阼存室神也

拜送使者如親見之敬也

問人於他邦章

孔注拜送使者敬之也

集解

蓋貴人賤畜理當如此

廢焚章

鄭注重人賤畜也

集解

食恐或餽餘

君賜食章

禮曲禮餽餘不祭說文會部餽食之餘也

言先嘗則餘當以頒賜矣

孔注既嘗之乃以班賜也

集解

腥生肉

禮禮器大饗腥正義曰腥生肉

熟而薦之祖考榮君賜也

皇疏煮熟而薦宗廟重榮君賜也

仁君之惠

孔注敬君惠也

集解

無故不敢殺也

禮王制諸侯無故不殺牛大夫無故不殺羊士無故不殺犬豕庶人無故不食珍

周禮王日一舉膳夫授祭品嘗會王乃會

周禮天官膳夫掌王之會飲膳羞又云王日一舉
鼎十有二物皆有俎以樂侑會膳夫授祭品嘗會
王乃會

故侍會者君祭則己不祭而先飯若爲君嘗會然
鄭注於君祭則先飯矣若爲先嘗會然也

集解

東首以受生氣也

皇疏病者欲生東是生陽之氣

又引大帶於上也

包注紳大帶也

集解

急趨君命行出而駕車隨之

鄭注急趨君命也出行而車駕隨之集解

朋友有通財之義朋友死章

孔注不拜有通財之義也集解

尸謂偃臥似死人也寢不尸章

包注不偃臥四體布展手足似死人也集解

居居家容容儀

邢疏其居家之時不爲容儀

狎謂素親狎

孔注狎者素相親狎也集解

褻謂燕見貌謂禮貌

周生烈曰褻謂數相見也必當以貌禮也

集解孟子

告子禮貌未衰言弗行也則去之

式車前橫木有所敬則俯而憑之

邢疏式者車上橫木男子立乘有所敬則俯而憑

式

負版持邦國圖籍者

孔注負版持邦國之圖籍者也

集解

人惟萬物之靈

書泰誓惟人萬物之靈

而王者之所天也

漢書酈食其傳王者曰民爲天而民曰食爲天
故周禮獻民數於王王拜受之

周禮秋官司民司寇獻其數于王王拜受之登于
天府

敬主人之禮非以其饌也

孔注敬主人之親饋也

集解

迅疾也

爾雅釋詁迅疾也

烈猛也

說文火部烈火猛也

所以敬天之怒

鄭注敬天之怒也

集解

詩板篇敬天之怒無敢戲渝

記曰若有疾風迅雷甚雨則必變雖夜必興衣服冠而坐

禮玉藻文

綏挽以上車之索也

升車章

皇疏綏牽以上車之繩也邢疏綏者挽以上車之索也

內顧回視也

說文頁部顧還視也

禮曰顧不過穀

禮曲禮文

言鳥見人之顏色不善則飛去

色斯章

馬注見顏色不善則去之

集解

回翔審視而後下止

周生烈注回翔審觀而後下止也

集解

說文羽部翔

回飛也

人之見幾而作

易繫辭君子見幾而作

邢氏曰梁橋也

邢疏文

以爲時物而其具之

何注子路以其時物故供具之

集解

朱子論語集注訓詁攷卷上

受業許淮祚按字

姬元杰同按
男元救